

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԿԱՅԻՆ ԵՎ ՄԱՔՍԱՅԻՆ ՄԱՐՄԻՆՆԵՐԻ ԲՈՂՈՔԱՐԿՄԱՆ
ՀԱՆՁՆԱԺՈՂՈՎ

ՈՐՈՇՈՒՄ N 43/5

ք.Երևան

16 սեպտեմբերի 2022թ.

Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը (այսուհետ նաև՝ Հանձնաժողով), քննության առնելով ՀՀ ՊԵԿ հարկ վճարողների ընթացիկ հսկողության հարկային տեսչություն-վարչության վարչության 14.06.2022թ. թիվ 4212322 արձանագրության դեմ «10 ԻՔՍ ՄԱՐԿԵՏ» ՍՊԸ-ի (ՀՎՀՀ՝ 03553716) դիմում-բողոքը՝

ՊԱՐԶԵՑ

ՀՀ ՊԵԿ հարկ վճարողների ընթացիկ հսկողության հարկային տեսչություն-վարչության 14.06.2022թ. թիվ 4212322 արձանագրությամբ ՀՀ հարկային օրենսգրքի 416-րդ հոդվածի 2-րդ մասի համաձայն «10 ԻՔՍ ՄԱՐԿԵՏ» ՍՊԸ-ին առաջադրվել է 277287 դրամ տուգանք:

«10 ԻՔՍ ՄԱՐԿԵՏ» ՍՊԸ-ի կողմից 25.08.2022թ.-ին ՀՀ պետական եկամուտների կոմիտե դիմում-բողոք է ներկայացվել՝ ՀՀ ՊԵԿ հարկ վճարողների ընթացիկ հսկողության հարկային տեսչություն-վարչության վարչության 14.06.2022թ. թիվ 4212322 արձանագրության դեմ:

ՀՀ հարկային օրենսգրքի 441-րդ հոդվածի 4-րդ մասի համաձայն՝ հարկային մարմնի ընդունած և ուժի մեջ մտած անհատական իրավական ակտը կարող է բողոքարկվել այն ուժի մեջ մտնելու օրվանից, իսկ հարկային ծառայողի գործողությունները կամ անգործությունը՝ այն կատարելու կամ ցուցաբերելու օրվանից երկու ամսվա ընթացքում:

ՀՀ հարկային օրենսգրքի 442-րդ հոդվածի 2-րդ մասի 9-րդ կետի համաձայն՝ հարկային մարմնի բողոքարկման հանձնաժողովն ընդունում է հարկ վճարողի դիմում-բողոքի քննարկման վարույթը կարճելու մասին համապատասխան գրավոր որոշում, եթե դիմում-բողոքը

ներկայացվել է Օրենսգրքի 441-րդ հոդվածի 4-րդ մասով սահմանված ժամկետի ավարտից հետո:

Քննարկվող դեպքում ՀՀ ՊԵԿ հարկ վճարողների ընթացիկ հսկողության հարկային տեսչություն-վարչության 14.06.2022թ. թիվ 4212322 արձանագրությունը հարկ վճարողին է տրամադրվել փոստի միջոցով և հարկ վճարողի (գործադիր մարմնի ղեկավարի) կողմից այն ստացվել է (համարվել է ստացված) 23.06.2022թ.-ին, սակայն բողոքը բերվել է 25.08.2022թ.-ին՝ ՀՀ օրենսդրությամբ նախատեսված երկամսյա ժամկետի խախտմամբ:

Հետևապես, ղեկավարվելով վերը նշված իրավանորմերի դրույթներով, դիմում-բողոքի հիման վրա հարուցված վարչական վարույթը ենթակա է կարճման:

Ելնելով քննարկման արդյունքներից և ղեկավարվելով Հայաստանի Հանրապետության հարկային օրենսգրքի 20-րդ բաժնով, «Մաքսային ծառայության մասին» Հայաստանի Հանրապետության օրենքի 37-րդ հոդվածով, Հանձնաժողովը


ՈՐՈՇՈՒՄ Է՝

ՀՀ ՊԵԿ հարկ վճարողների ընթացիկ հսկողության հարկային տեսչություն-վարչության վարչության 14.06.2022թ. թիվ 4212322 արձանագրության դեմ «10 ԻՔՍ ՄԱՐԿԵՏ» ՍՊԸ-ի դիմում-բողոքի քննարկման վարույթը կարճել:

Սույն որոշումն ուժի մեջ է մտնում իրազեկելուն հաջորդող օրվանից:

Սույն որոշմանը չհամաձայնվելու դեպքում այն ուժի մեջ մտնելու օրվանից երկու ամսվա ընթացքում կարող է բողոքարկվել դատարան:

9/19/2022



ԱՐՏՅՈՄ ՍՄԲԱՏՅԱՆ

ՀԱՆՁՆԱԺՈՂՈՎԻ ՆԱԽԱԳԱՀ՝

Signed by: SMBATYAN ARTYOM 3210860416

ԱՐՏՅՈՄ ՍՄԲԱՏՅԱՆ